

SARS YI HAKELA R2.4 BILLION EKA MIVUYISELO YA MALI ENKARHINI WA NSIVELO WA MIGINGIRIKO

Pretoria, Musumbhunuko ti 30 Nyenyankulu 2020 – Afrika-Dzonga tanihi matiko mo tala emisaveni ri ya emahlweni ri lwa na nkucetelo wa ikhonomi na rihanyu leswi vangiwaka hi ntugu wa COVID 19. SARS yi lemuka swinene nkhubheko wo biha eka vutomi bya vanhu va hina, nxungeto eka mabindzu na ikhonomi leyi ku nga khale yi ri ku tikeriweni. Hi ku langutisa mbuyelo, hi tinyiketerile ku hlayisa vukorhokeri bya nkoka bya SARS ku hunguta swiyimo leswi swo biha.

Ekhu meseni ka vutihlamuleri lebyi, SARS yi ringanisa vuhlayiseki bya vatirhi va hina, vahakelaxibalo na vaxavisi, lokohiletlhelo yi tiyisisa leswaku ikhonomi ya hina yi kota ku tirha. Ku fikela namuntlha, SARS se yi hakele mivuyiselo ya mali eka vahakelaxibalo ku fikela eka R2.4 billion eka masiku ya mune ya nsivelo wa migingiriko, ku sukela hi Ravuntlhanu ti 27 Nyenyankulu.

Mivuyiselo ya mali yi katsa tihakelo ka Mabindzu Lamakulu leti fikelaka eka R1.1 billion na tihakelo eka Mabindzu Lamatsongo, ma le Xikarhi na Lamakulu (tiSMME) leti fikelaka eka R1.3 billion.

Hakelo ya mivuyiselo yi kombisa ngeniso wa mali lowukulu eka ikhonomi enkarhini wo tika swinene. SARS yi nga endla leswi ntsena loko ku ve vahakelaxibalo va nga tshama va landzelerisa hi ku hetisisa swiboho swa vona swo fayila no hakela enkarhini wa nsivelo wa migingiriko.

SARS yi endle leswaku tichanele leti landzelaka ta le ka inthanete ti kumeka, ku nga MobiApp, eFiling, e@syFile, imeyili na SARS Contact Centre (0800 00 7277) ku hetisisa swiboho leswi.

Vahakelaxibalo na vaxavisi va komberiswa ku tirhisa tichanele leti ku endla tihakelo leti faneleke ku hakeriwa hi kumbe ku nga si fika ti 31 Nyenyankuli 2020 no tshama va landzelerisa.

Swi tlhela swi tshama swi ri swa nkoka leswaku mikhetekanyo yo hambanahambana ya mabindzu lama nga ku xanisekeni ma ya emahlweni ya landzelerisa ku kota ku fikelela

makungu ya vevukiso wa xibalo lama mfumo wu nga ma veka ku kota ku lwa na switandzhaku swa ikhonomi swa ntungu wa COVID 19.